

四庫全書

集部

欽定四庫全書

聖祖仁皇帝御製文第二集卷四十九目錄

古今體詩四十一首

興京

駐蹕奉天府

渡遼河

所過松山杏山大凌河皆

聖祖用武之地有述

入山海關

廣寧道中

永平駐蹕

豐潤即事

望海

歌蒸暑氣賦得漠漠水田飛白鷺

賜高士奇

示諸皇子

賦得雨去花光濕風歸葉影疎

出畿東觀秋成

萬樹叢中月一輪

詠林檎

用皇三子秋日郊行應制詩韻

八哥兒

潞河發舟

天津

德州

東昌道中

舟過濟寧

入江南境

經邳徐界上

雨

閔河

渡揚子江

金山寺月夜

巡歷江南示意

虎丘

閱河之便奉

皇太后臨幸武林是日喜晴

雲栖寺

西湖

湖心亭閒覽

宋臣蘇軾開湖漑田築隄潄水杭民利之為政者不當如是乎

鷺峰

雲林寺

菜畦

行宮雨中望吳山

閱浙江駐防將士射

欽定四庫全書

聖祖仁皇帝御製文第二集卷四十九

古今體詩四十一首

興京

靄靄興王地風雲莫可攀  
滌洄千曲水盤疊百重山  
瞻拜

陵園肅凝思大業艱  
龍蔥松柏茂瑞鳥滿林間

駐蹕奉天府



四海為家日鳴鑾過舊京新豐安可並若水事堪并城  
市風猶古絃歌化漸行魏峨城闕在往歲幾經營

渡遼河

雪霽寒流已合冰雁行飛處曉天澄初冬欲盡歸程疾  
回首煙光望

二陵

所過松山杏山大凌河皆

聖祖用武之地有述

松杏山頭野草黃朔風淒緊下前岡雲屯虎旅新行在  
地著龍興舊戰場壁壘尋來餘氣色田疇耕處拾刀鎗  
恢弘

聖緒存遺跡東海洋洋

祖德長

入山海關

長城盡處海山奇守險無勞百萬師寰宇蒼生歸歷數  
當年指顧定鴻基

廣寧道中

漠漠寒雲色  
戍樓終日閒  
饑鳥號曉月  
路出十三山

永平駐蹕

颯颯風聲響  
畫旗灤河東  
岸獵歸時廟  
堂幾務親裁  
決  
非是行帷寐  
獨遲

豐潤即事

去日披金露  
歸時動朔吹  
農家收穫罷  
就暖向朝曦

望海

天際無涯萬里餘風潮雲島接宸輿朝宗不棄能容物  
惟有虛心對洛書

歎蒸暑氣賦得漠漠水田飛白鷺

日射湖光潏灩餘三庚修景未應除盈田秔稻將成實  
滿隴禾苗更自如靜裏歎蒸不著意心中無事樂於書  
黃鸝白鷺由他去恐誤分陰漸漸疎

賜高士奇

廿年載筆近螭頭心慕江湖難再留忽憶當時論左國

依稀又是十三秋

示諸皇子

勤儉守家法為仁勉四箴讀書須立體學問更從心  
佻達愆非淺浮華罪漸深人皆知此道何必論古今

賦得雨去花光濕風歸葉影疎

晚蟬聲漸急白雁暫高飛月照湖光轉波連山色微  
荷疎知氣肅花老覺時非不必愁秋冷宮人自有衣

出畿東觀秋成

陰霖連六月宵旰念民生微風收潦水過雨見秋成古  
北龍旗近漁陽鳳輦行戍樓烽火息險豈藉長城

萬樹叢中月一輪

殘暑新開雨後時層巒密樹萬年枝扁舟歸去思還轉  
小艇迴波意欲遲泛泛月明懸玉鏡輕輕浪影動玻瓈  
冰盤酒讌同金谷簫鼓龍吟太液池

詠林檎

野果初來上苑東紫紅鮮品進離宮雖然不及羣珍味

也有微誠在此中

用皇三子秋日郊行應制詩韻

風高鳳閣秋萬物變清幽  
露冷凝僊掌雲寒聚嶺頭  
荷疎起一雁蒲盡現羣鷗  
郊外西成好應知禾黍收

八哥兒

衆喜能言強欲言或籠或架繫高軒  
縱然欲憶林間樂誰肯從容解覆盃

潞河發舟

青翰舟迎旭日升官河放溜始開冰  
巡行每為求民瘼  
寧避春寒曉霧凝

天津

河柳絲絲變嫩黃  
海門遙望色微茫  
賈航商舶連檣至  
貢賁時看集萬方

德州

長河絕流漸曉坐寒仍肅  
若使居深宮安知有冷燠

東昌道中



陌草稀疎綠未回水邨近午暖微催萬人爭向船頭望  
多是喁喁待澤來

舟過濟寧

濟水平分南北流山桃花綻古墟頭粼粼碧浪層層樹  
便覺春風起權謳

入江南境

行盡充東程乍入江南路水潦切痼瘼深心察其故

經邳徐界上

泗水通淮澤坡陀認馬陵經過懷十載戶口幾新增

雨

雲氣未肯開繇密清明雨繫纜古河湄為念夫徒苦

閔河

淮黃疏濬費經營跋涉三來不憚行幾處隄防親指畫  
佇期耕稼樂功成

渡揚子江

曉霧風初豁揚帆縱綵舟危峰真屹立漩水急洄流碧

轉沿江柳沙平遠嶼洲十年巡再至騁目睇神丘

金山寺月夜

江山春物已雍和萬里晴光月倍多重倚高樓觀海闊  
浩然心境更如何

巡歷江南示意

財賦稱茲地時巡復此經春膏宜豆麥煙景徧林亭靡  
麗風應換敦龐訓屢形施恩頻已責聊爾翠華停

虎丘

隨風畫檝到山塘  
水市陰籠草木香  
石不點頭誰說法  
惟存澗響雜笙簧

閱河之便奉

皇太后臨幸武林是日喜晴

雄城千雉帶江湖  
羽衛重臨氣象殊  
九有承歡逢勝日  
萬民擁戴滿亨衢  
時當豐歲人咸樂  
海不揚波澤遠濡  
況是春陽布暄暖  
無邊韶景溢興區

雲栖寺

江路轉隈隩山行愜心賞古樹與茂竹翳蔽極深廣潺  
潺細泉流萋萋芳草長其際春之暮天氣堪俯仰鳥性  
鳴晴曦蜂蝶爭上下巡省歷窮谷所至察萬象小憩澗  
壑幽澤貴被草莽

西湖

湖光開潏潏臨幸及芳時淺翠堆山色輕香拂水湄彩  
旂看自動畫鷁覺平移靜坐觀羣類資生得所宜

湖心亭閒覽

虛牖層闌挹翠微  
春容澹沲送晴暉  
澄波如鏡涵天影  
魚鳥欣欣自息機

宋臣蘇軾開湖溉田築隄瀦水抗民利之為政者  
不當如是乎

長隄十里跨湖波  
官柳青青覆軟莎  
漫道只為遊賞地  
懸知布政在民和

鷺峰

何處飛來一塊石  
嵌空巖竇作玲瓏  
下臨巨澗淙淙冷

上蔭長松謾謾風

雲林寺

無為幾事少問俗駐林丘衛騎森嚴減爐煙靄靄浮鳥  
啼香界古花綴梵筵幽野徑春風引輕鋪細草柔

菜畦

東南農事已春深菜隴花開滿地金獨愛小民勤力作  
馬頭堪慰省方心

行宮雨中望吳山

檻外青山縱目收  
繁花初落葉新稠  
更教點染煙雲色  
添得牕前翠欲流

閱浙江駐防將士射

羽林舊將分防重  
吳越名區古要疆  
講武正宜清晏日  
人人自擅技穿楊



聖祖仁皇帝御製文第二集卷四十九

欽定四庫全書

聖祖仁皇帝御製文第二集卷五十目錄

古今體詩五十首

示江南浙江守土諸臣

再過鷺峰

登吳山

望錢塘江

虎跑泉

由淨慈寺經南屏諸山

孤山放鶴亭

玉泉有五色魚賜名清漣寺

西湖再作

浙省道上書懷

桑林乍綠蠶事方興詩以嘉之

曉發嘉興

花山

支硎山

回鑾復過惠山

舟行野望

駐蹕江寧偶述

修報恩寺塔初畢登之

過明太祖陵有感

月夜登燕子磯

江行

憶暢春園牡丹

金山雨望

山中晚霽

中泠泉

望焦山念己巳曾登其上

念淮揚居民特留漕糧二十萬以濟之回鑾之

日復諄諭所司使布實惠

泛洪澤湖偶詠

漁舟夜泊

渡河北歸

宿遷

過八牖

仲子廟

途次端午

山左道中

望岱憶舊

闕里重修思欲一往以天氣日暑急奉

慈輿北歸未得瞻視紀詩八韻

見途中夏麥將熟志喜

北境

候兄裕親王

江南風雨阻回程二十天近京又是微旱五月

二十五日霖雨如注喜雨

賜峨嵋老僧

察永定河

巡子牙河建壩

盛夏晚偶成

七夕觀千葉蓮

暢春園觀稻時七月十一日也

詠桐老圖賜裕親王

為考試歎

禁園秋霽





欽定四庫全書

聖祖仁皇帝御製文第二集卷五十

古今體詩五十首

示江南浙江守土諸臣

宇宙方清寧吏治尚端廉農使樂耕鑿民使適里閭大  
寮總其要小吏毋苛纖紀綱不可弛隨時酌寬嚴為上  
能自愛羣屬必畏鉗訟惟善得情操守時警砭勿恃才  
妄作勿以媚自快務令比戶豐膏澤遠近霑朱輻與彤

騶萬姓所具瞻臧否道有碑防口難可箝不見廣厦材  
聳榦從幽潛不見冲霄竊飲啄本靜恬告誡示勉勗保  
護茲庶黔

再過鷲峰

愛此清幽一徑深馬隨泉響入雲林蒼苔古洞何年鑿  
脈脈韶光自賞心

登吳山

重經層巘暫停鑾天日晴和覽眺寬城市萬家煙火近

念茲莫遣有饑寒

望錢塘江

江流幾折勢灣環  
指點遙岑是越山  
南朔東西無一事  
春風浩蕩奉

慈顏

虎跑泉

靈泉涌地寒侵骨  
勝跡名高著虎跑  
似恐被人頻汲取  
一泓清迥出山坳

由淨慈寺經南屏諸山

紆曲南屏路欣隨步輦來

時奉  
皇太后  
觀覽

鳥飛驚玉仗花

落點經臺邃閣聞松籟疎籬迸竹胎雙峰高不極更在白雲隈

孤山放鶴亭

處士人何在山前夕照來亭空不見鶴磴古尚留梅楊柳縈煙嫩棠梨過雨開今朝閒繫艇還自愛賢才

玉泉有五色魚賜名清漣寺

錦鱗游泳漾池紋  
隱藻穿蘋暗作羣  
濠濮會心原不遠  
清連題額與傳聞

西湖再作

面面山容澹盈盈  
水態清流文縈傑  
閣波影蕩高城燕  
舞知迎權花低解  
避旌乘春弘沛澤  
隨地稔民情

浙省道上書懷

徧野農桑繞翠旌  
畦邊童叟帶雲耕  
江山盡是昇平日  
寸晷難忘終始情

桑林乍綠蠶事方興詩以嘉之

彌望桑林吐葉垂枝嫩碧初勻竹舍正殷蠶務天工雨露維均

曉發嘉興

數里城依水千門路向田菜塍無近遠桑岸互繇連土沃勤為最年豐儉欲先雲開林野秀初日上行旃

花山

警蹕來初地青山鳥道深風生松澗合雲暗石苔侵靜

書飛閒蝶餘春噪晚禽空留支遁跡物外託宸襟

支硎山

龍池東北古支硎石室寒泉句可聽

支遁詩云石室可  
藏身寒泉濯溫手

想得雨餘懸瀑布飛流界破數峰青

回鑾復過惠山

是誰妙筆點巒容蘊藉迎人四五峰堪挹山泉烹雀蕊  
併添新黛入甌濃

舟行野望



惠風萬頃下芳畦  
遠水拖煙曉狀迷  
河上草新纔覆地  
林間花墮半沾泥  
翩翩弱燕穿船入  
宛轉芳鶯隔樹啼  
若問撫闌端坐意  
默思豐裕洽羣黎

駐蹕江寧偶述

雲覆輕陰雨淨塵  
南巡又隔十經春  
山河舊數陪京重  
士庶今看沐化淳  
古巷烏衣人已換  
芳洲白鷺跡成陳  
元元億萬咸安樂  
教養休和屬大鈞

修報恩寺塔初畢登之

塔勢搖晨旭憑陵上九霄琉璃莊淨域金碧啟香寮地  
俯三山近江環匹練遙隔牕雲霧起戶戶瑞煙飄

過明太祖陵有感

拔起英雄草昧間煌煌大業豈能刪玉魚金盃雖如故  
煙霧低迷獨愴顏

月夜登燕子磯

石勢疑飛動江濤足下看天空來皎月風定斂奔湍綠  
樹燈光亂蒼厓夏夜寒經過睹形勝往往駐鳴鑾

江行

風帆來往亂江流  
樓櫓縱橫拍浪浮  
只在艚工持柁穩  
曾將為政喻操舟

憶暢春園牡丹

曉雨疎疎薄灑午  
風習習輕吹忽  
念暢春花事正當  
萬朶開時

金山雨望

煙樹重重兩岸間  
流雲著水水漫漫  
江煙江樹無窮盡

不讓蓬瀛島上山

山中晚霽

返照開澄景餘霞作綺流夜深明月出隔岸見蘆洲

中泠泉

靜飲中泠水清寒味日新頓令超象外爽豁有天真

望焦山念己已曾登其上

大江日夜波汪洋金山焦山兩相望金山樓閣蕩丹碧  
焦山竹樹多鬱蒼境深流廣人罕至往年曾一登其岡

頃者放舟仍北渡壯哉滉漾雲低昂青巖翠壁幽且穽  
圖經名著傳焦光何時瘞鶴在山足遺銘剝蝕存華陽  
山下有瘞鶴銘為華陽真逸撰止存六十餘字葭洲白鳥忽飛出江花冥冥江  
草芳是日雨餘氣清淑夏首晴晝欣舒長倚艫四顧暢  
襟抱好風豁達來天閭

念淮揚居民特留漕糧二十萬以濟之回鑒之日  
復諄諭所司使布實惠

廣廈豈不樂何事駕飛艫意惟悉民隱遑問歷道途淮

揚皆巨郡地本號饒腴居人百萬家土狹濱衆湖禾麥  
苟不登老幼日待舖恩意宜渥沛拯濟留天儲實惠布  
州邑遠邇均有無諄諭嚴再三毋徒飽吏胥茅屋有起  
色比戶充黍稌願茲瘠壤農皞皞躋唐虞

泛洪澤湖偶詠

積水空明浸太虛輕舸閒泛進徐徐菰蘆絕岸柴門小  
終歲生涯業捕魚

漁舟夜泊

漁父不懼世中形任意飄流夜泊汀惟有長閒心靜處  
何如名利係朝廷

渡河北歸

三吳問俗罷旋蹕渡洪流微日籠華蓋輕颺送御舟水  
能安汎濫堤遣護田疇自此民休息紓予南顧憂

宿遷

行過江南水與山柳舒花放鳥緡蠻明朝重至邳徐路  
鳳闕龍樓計日還

過八牖

宛轉河形一線通  
瀦流疊石賴人功  
天庾歲歲關飛輓  
全在隨時啟閉中

仲子廟

河口孤祠在千年  
祀典存當階松半  
偃繞碣蘚堪捫懷  
古題新額遺風想  
聖門行舟清晝永  
岸草採芳蓀

途次端午

蕤賓逢夏律  
午日俯澄流  
黃鳥林中變  
新蒲岸外稠  
宮



筵傳綠綬僊酒泛丹榴遙憶蓬萊上垂楊陰御溝

山左道中

鳳帽南巡往復歸夏禽拂水避雲旂川平桂櫂何須舉  
風正蒲帆疾似飛雞犬滿邨人足食繭絲入市戶充衣  
閑閑陌上晴曛好暇覽時光暢萬幾

望岱憶舊

青天竦峙翠雲濃端坐船頭眺岱宗憶上崇隆最高頂  
非探芝檢效東封

闕里重脩思欲一往以天氣日暑急奉

慈輿北歸未得瞻視紀詩八韻

廣殿丹青煥飛甍黼藻新思排僊馭往却奉

翠輿長仰慕尼山側興懷泗水濱存心惟志道勉力事  
依仁望斗知非遠升堂念每惇庶松應鬣長階檜益苔  
皺過魯時逢夏歸帆罷問津迢迢曲阜路沿沂幾勞神  
見途中夏麥將熟志喜

江許淮壩道已周歸看東省麥盈疇雨滋膏潤苗多秀

早慶今年大有秋

北境

瞳瞳曙色上帆檣  
野水波添滿路光  
應是皇畿程已近  
林風吹送棗花香

候兄裕親王

花萼樓前別已經  
春夏餘平明挂錦纜  
日暮傍樵漁吳越  
當年景江湖各自如  
留心民事重隔月信音疎

江南風雨阻回程  
二十天近京又是微旱五月二

十五日霖雨如注喜雨

雨阻回鑾二十天近京又旱意懸懸若能南北皆無慮  
惟賴青蒼大有年

賜峨嵋老僧

名山越徧未到天涯欲得真印勤修離家雷音雖拜那  
見拈花知此無益再遊中華八旬老矣行履不斜言語  
忠厚一字弗遮觀爾樸誠朕意甚嘉峨嵋崒崒直逼雲  
霞明心見性靜守毋譁

察永定河

源從自馬邑溜轉入桑乾渾流推濁浪平野變沙灘廿  
載為民害一時奏效難豈辭宵旰苦須治此河安

巡子牙河建壩

暫別宮槐幸子牙近邨處處少人家清和微暑浮畦麥  
綠樹初陰接岸沙隄外草荒艱籽粒淀中水淺捕魚鰕  
黃童白叟望霖雨霖雨先施莫自賒

盛夏晚偶成

蟬聲急處秋將近  
絲雨過時暑漸微  
樹色渺茫憑遠閣  
雲峰掩映罩斜暉  
西成平野年當稔  
煙息關山事不違  
披覽牙籤心自得  
揮毫乙夜勉羣幾

七夕觀千葉蓮

玉露初分水殿涼  
滿池紅白雜芬芳  
香飄隨座皆秋色  
細月朧朧挂未央

暢春園觀稻時七月十一日也

七月紫芒五里香  
近園遺種祝禎祥  
炎方寒北皆稱瑞

稼穡天工樂歲穰

詠桐老圖賜裕親王


丹桂秋香飄碧虛  
青桐迎露葉扶疎  
願將花萼樓前老  
帝子王孫永結廬

為考試歎

人才當義取王道豈紛更  
放利來多怨徇私有惡聲  
文宗濂洛理士仰楷模情若問  
生前事尚憐死後名

禁園秋霽

樹冷催蟬咽，荷疎表影長。  
深秋殘暑氣，微爽待高陽。  
戶外遠塵蹟，園中多蕙香。  
溶溶新雨霽，吟乏愧成章。





聖祖仁皇帝御製文第二集卷五十